



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Praxis Cvræ Pastoralis Præcipve Circa Repentina &
Generaliora**

Possevino, Giovanni Battista Bernardino

Coloniæ Agrippinæ, 1645

Confessarij quando maximè confessionibus audiendis vacare debeant.

urn:nbn:de:hbz:466:1-42220

ueant intempestiuè venientes ad se confitendi gratia. sed neque signo, aut verbis ullis præfere-
rant, ægre se, grauatoque animo confessiones eorum excipere; quin potius ita se comparent,
ut intelligant pœnitentes eos salutis eorum cau-
sa multum solatij, & gaudij ex ijs laboribus hau-
rire.

*Confessarij quando maximè Confessionibus au-
diendis vacare debeant.*

Ex hac eorum alacritate nascetur etiam hoc commodi, ne pœnitentes excusatiōem iustum prætexere possint, se non esse confessos, maxi-
mè quibus temporibus ad id tenentur, per spe-
ciem quasi commoditatē non habuerint. Præ-
terea autem admonemus Confessarios, si vel
ad exequias, vel quævis alia Ecclesiastica mu-
nia illos euocari contingat, nisi causa prorsus
sit necessaria, ut ne confessiones ijs diebus pro-
pterea vel interrumpant, vel intermittant, qui-
bus frequentiores solent occurtere, maxi-
mè octiduo, aut amplius ante diem natalem
D. N. Iesu Christi, in Quadragesima, & præci-
pue circa medium illius usque ad octauam Pa-
schæ, nonnullos etiam diebus cum Iubilæum
promulgatum est, alijs solennioribus festis,
quibus, ut plurimum, populus, vel omnis, velex
maiore parte Confessionis Sacramentum con-
fluit.

Cupimus etiam in huic finem, Superiores Regularium certiores ea de re redditos, ut præ-
dictis temporibus procurent, quantum posse-
runt numerum maximum Confessorum, qui
doctrina, & timore Domini insignes, atque à
nobis

nobis approbati in suis Ecclesijs pœnitentes audiunt.

Confessiones agrotorum quomodo excipienda.

Quoties regulares ad ægrotantium confessiones excipiendas accersuntur, si necessitas alii suadeat, ex pastore prius intelligent, quæ conditio, & status sit ægroti, ut tanto diligentius animaduertant, si quid alleuamenti conscientiæ illius præberi valeat, præsertim in summo temporis illius articulo, in quo velut in cardine vertitur aut animæ salus, aut perditio æterna: quod si temporis breuitas non patiatur ante confessionem id fieri, saltem ab audita confessione quam citissime fiat, ut tam ipse Confessarius, quam Pastor in procuranda hominis infirmis salute suo officio non arguantur defuisse.

Cum primum Sacerdos Sacramentum Pœnitentiæ cuiquam ægroto ministravit, in schedula subscribat, quæ qualis esse debeat, infra dicetur, eaque fateatur se pœnitentis confessionem exceptisse. Quod ideo fit, ne Medicis curam suam subtrahere in firmis cogantur, iuxta Bullam fel. mem. Pij V. & Decretum primi nostri Concilij Provincialis, & ne per negligentiam Confessorum in dicta fide præstanta sumant occasionem excusandi se ab obseruantia præfatæ Bulle, & Decreti.

Confessiones extra templum non audienda.

Populariam in domibus confessiones nemo audiatur, nec virorum, nec fœminarum, cuiuscunque vel ordinis, vel conditionis illi fuerint, nisi dum ægrotant; quod cum sit, & mulierum con-